



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCCII. ad annum CCCCXXX.

**Parisiis, 1644**

Epistola XIII. Innocentii Papae I. Ad Ivlianam Nobilem Feminam.

**urn:nbn:de:hbz:466:1-14918**

scriptis. Perdimus profecto nosipsi, nos inquam, sanctimoniam reuerentiam, qui, quasi vilissimum aliquid, summos efficimus sacerdotes, ut iam incipiat, quasi noxium aliquid publicis interlocutionibus condemnari. Frater carissime, hæc velim cuncta, recitanda per omnes Africanas ecclesias, scripta dirigas, & istis conneetas quas adiunximus literas præfectorum, ut consilium de his quæ inique laudantur, iudiciumque, si quid tale probari poterit, fiat, ut præterita mala, si doceantur admissa, digna seueritate coercentur: & decetero caueatur, ne ecclesia sanctitas, per nostram fatigata negligentiam, perdat priuilegia quæ est per viros venerabiles consecuta. Deus te in colummam custodiat. Data 4. Nonas Iunii, Julio quarto & Palladio viris clarissimis consulibus.

## N O T A.

<sup>a</sup> Epistola.] Cum magna esset penuria clericorum in Africa, vt supra diximus, fiebat, quod in Africa ab episcopis quibusdam im- meriti ordinarentur. Pontifex his occurrens, apud primatem totius Africæ Aurelium, hac de re merito conquestus fuit, coque facta cu- ram suam erga omnes ecclesias ostendit, cum & erga transmarinas ecclesias pastorali sollicitudine vigilaret. In alterius consulum no- mine, dum alias quam Theodosius Palladii collega ponitur, hæc epistola emendanda est. Baron. ann. 416. num. 30.

## \* EPISTOLA XIII.

## INNOCENTII PAPÆ I.

AD IVLIANAM NOBILEM FEMINAM.

SINGVLARE membrum ecclesiæ, tuæ religionis amplitudinem existere, & a nobis reuerentissime coli, satis est omnibus manifestum. In ipso enim apice nobilitatis, multo nobiliorem ecclesiæ deuotionem impendis, & magis læta Christi agnitione, præceptis eius obtemperas, & in fide potius exultas, quam tanti generis flore iaëtaris. Summæ virtutis est, viciſſe gloriam carnis: & magnæ est Christi gratiæ, nobilitatem moribus superasse, domina filia merito illustris. Certa igitur existens, dilectissima, huius vitæ (quæcumque sunt) spatia æternis diuinisque officiis illustrare contende, vt qui insignem te præstis, reddat sibi per ſecula clariorem.

## NOTA.

Pelagius  
huius episto-  
lae scribendæ  
occasionem  
dedit.

<sup>a</sup> *Epistola.*] Occasionem huic epistolæ scribendæ dedit Pelagius, qui ut virus suum disseminaret, viduis & nobilibus blanditus est. Ad Demetriadem scriperat teste Augustino epistolam virulentissimam qua ait: *Spiritales vero diuitias nullus tibi prater te conferre poterit. In his ergo iure laudanda, in his merito ceteris preferendas, quæ nisi ex te & in te esse possunt.* Hæc Pelagius. Cum itaque Innocentio pontifici vulgata illa Pelagiæ ad Demetriadem epistola innotuisset, parato antido-to occurrit, effecitque ut sancta familia ab irrepente clanculo hæ-re-siarcha custodita, atque in omnibus illæsa seruata fuerit. Ille docebat: *spiritales diuitias nemo tibi prater te conferre poterit: ex te sunt, &c.* Innocentius ut lupum sub ouina pelle insilientem conficeret, verbo-rum antithesi cum oppugnans ait: *Magna est Christi gratia nobilitatem moribus superasse.* Et propter hanc fidei doctrinam sanctus Hieron. ad Demetriadem scribens, ait: *Illud te pro caritatis affectu pre-monendum puto, ut S. Innocentii, qui apostolica cathedra & supradiciti viri successor & filius est, teneas fidem, nec peregrinam ( quamvis tibi prudens & callida videaris ) doctrinam recipias, &c. Vide Baron. anno 413. num. 24. & 25.*

EPISTOLA XIV.  
INNOCENTII PAPÆ I.

De Antiochena ecclesia.

*Innocentius Bonifacio presbytero.*

**E**CCLÉSIA Antiochena, quam priusquam ad urbem perueniret Romam beatus apostolus Petrus sua præ-sentia illustravit, velut germana ecclesiæ Romanæ diu ab eodem alienam esse non passa est. Nam missis legatis, ita pacem postulauit & meruit, ut & Euagrianos suis ordinibus ac locis, intemerata ordinatione, quam accep-rant a Memorato, suscipieret: & Ioannis sanctæ memo-riæ vel clericos vel laicos in vnum colligeret atque con-gregaret, \* promittens ipsius ciuitatis episcopus, frater meus Alexander, etiam si quis forte vel a nobis, vel aliun-de, posterioris ordinationis ad eosdem venerit, se sine controuersia recepturum, ac nomen episcopi Memora-ti inter quiescentes episcopos recitaturum. Cui rei nos noueris tradidisse manus, frater carissime, & eos in no-stra viscera recepisse, ne diu membra, quæ requisiuerant sanitatem, ab vnitate corporis haberentur aliena. Omnia vero,

\*for pro-  
mittente  
ipsius ci-  
uitatis e-  
piscopo  
fratre  
meo Ale-  
xandro.